

明通鑑

庚子孟春

上元李遜齋題

紀七十九 起開逢因敦盡崩
蒙赤奮若凡二年

熹宗哲皇帝

天啟四年春正月丙辰朔長興縣民吳野樵作亂野樵故盜黨廣德長興交界地方長興知縣石有恒緝捕不得有恒之族人干調不遂入野樵黨謀起事以正月初一日賀正突入縣放火殺有恒及主簿徐可行地方羣起逐之當獲野樵及其黨王召魁等餘皆逃竄查檢藏庫無恙而獄中盜皆出柙去

預異野樵作亂明史本紀系之正月

之朔諸書皆不載今參兩朝從信錄書之

乙丑巡撫貴州王三善旋師遇伏死之先是三善欲退師盡焚大方廬舍而東賊隔其

後中軍參將王建中副總兵秦民屏戰沒官軍行且戰至內莊後軍為賊所斷三善還救士卒多奔陳其愚者賊之心腹先詐降三善信之與籌兵事故軍中虛實賊無不知至是三善遇賊其愚故縱轡衝三善墜馬三善知有變急解印綬付家人拔刀自刎不殊賊擁之去罵不屈遂遇害同知梁思泰主事田景猷等四十餘人皆死賊殉監軍副使岳具仰以要撫具仰遣人持蠟書于外被殺初三善久駐大方御史徐卿伯上言安邦彥招四方奸宄多狡計撫臣得勝驟進視蠹苗不足平不知澤溪以西渡陸廣河皆鳥道深箐彼誘我深入以木石塞路斷其郵書阻餉道遮援師則彼不勞一卒不費一矢而我兵已坐困矣後悉如其言具仰敗于內莊監軍四人其三得脫還惟具仰竟死景猷當賊圍貴陽時以單騎往曉諭禍福賊欲屈景猷陳寶玩以誘之不動遂羈之獄中二年至是遇害 庚午大學士何宗彥卒宗彥清修有執攝尚書六年遇事侃侃敷奏時望甚隆會推閣臣廷臣多首宗彥獨吏科給事中不署名遂不預宗彥旋乞假去神宗末齊黨勢盛非同類即排去之宗彥獨無所附麗故終不安其位光宗立即家起禮部尚書入閣天啟元年夏還朝及是卒于官 癸未日赤無光有黑子二三盪于旁漸多至百許凡四日 二月丁酉薊州永平山海關地震壞城郭廬舍 甲寅京師地震官殿動搖有聲銅缸之水騰波震盪是日上不豫 是月以陳長祚為工部尚書代王舜鼎也舜鼎時以疾

在告未幾卒

三月丙辰京師地震

丁巳上疾瘳

戊午夜京師地再震庚申夜復震者三時宮中地震乾

清宮尤甚適上體違和人心惶懼御史餘姚黃尊素陳時政十失末言陛下厭薄言官人懷忌諱遂有剽竊皮毛莫犯中局者今阿保重於趙嬈禁旅近於唐末蕭牆之憂慘于敵國廷無謀幄邊無折衝當國者昧安危之機誤國者護恥敗之局不于此進賢退不肖而疾剛方正直之士如仇讐陛下獨不爲社稷計乎疏入魏忠賢大怒謀廷杖之韓爌力救乃奪俸一年 杭州兵變時九營兵以正月有諸生家張燈火起延燒房屋諸亂卒乘之起拆錢唐門外更樓十座有楊把總者約束營兵勿預亂而各兵遽縛本弁還營懸之高竿欲以弓矢斃之兩游擊撫之乃定竟革把總職 癸酉上視朝 夏四月乙巳下內閣中書汪文言鎮撫司獄文言欵人初以布衣任俠有智術神宗末遊京師輸貲爲監生用計破齊楚浙三黨先是三黨諸魁交甚密後齊與浙漸相貳文言習知本末多方設奇聞之諸人果相疑而浙黨鄒之麟以求吏部不得見惡齊黨亦交鬪其間于是齊浙之黨大離文言又交結東宮伴讀王安與談當時流品安悅之光宗初立外廷倚劉一燝而安居中以次行諸善政文言交關力爲多及魏忠賢殺安文言亦下吏得末減益遊公卿間葉向高用爲內閣中書韓爌趙南星楊漣左光斗魏大中俱與往來會給事中阮大鍼與光斗大中有隙囑其同官傅樾劾文言與光斗大中通爲奸利旨下文言詔獄葉向高以舉用文言引罪求去忠賢終憚向高舊臣不深究而御史黃尊素語鎮撫劉僑曰文言無足惜不可使禍延縉紳僑領之獄上止坐文言廷杖除名無株及者方忠賢得樾疏喜甚欲借是羅織東林而獄遽解志不逞是時大中方遷吏科都給事中以文言事上疏力辨詔許履任及赴鴻臚報名面恩忠賢忽矯旨責大中互訐未竣不得赴新任故事鴻臚報名狀無批諭旨者舉朝駭愕傅樾亦言中旨不宜旁出大中乃復視事

效異汪文言兩下鎮撫司獄一是年四月一十二月也三編並記之十一月目中明史

本紀則但書十二月遠汪文言惟史稿分書于四月十二月者得之明史葉向高傳亦有大中遺旨蒞任忽傳旨詰責之語則文言下獄大中履任皆在六月前今據史稿分書之

爲朝鮮國王

五月甲寅朔福甯兵變時倉官林廷柱乾沒軍儲餉不以時給亂卒張天錫等煽流民揭竿而

起脅眾閉城辱官毆吏城門閉塞者十有三日守道宋震生撫之乃定

效異杭州福甯兵變明史本紀皆有月日事見兩朝從信錄

六月

癸未朔左副都御史楊漣抗疏劾魏忠賢二十四大罪略曰高皇帝定令內官不許干預外事違者法無赦乃有肆無忌憚亂朝常如東廠太監魏忠賢者敢列其罪狀言之忠賢本市井無賴中年淨身賃入內地初猶謬爲小忠小信以倖恩繼乃敢爲大奸大惡以亂政祖制以擬旨專責閣臣自忠賢擅權多出傳奉或徑自內批壞祖宗二百餘年之政體大罪一劉一燝周嘉謨顧命大臣也忠賢令孫杰論去急于薊己之忌不容陛下不改父之臣大罪二先帝賓天竇有隱恨孫慎行鄒元標以公義發憤忠賢悉排去之顧于黨護選侍之沈淮曲意綢繆終加蟒玉親亂賊而讎忠義大罪三王紀鍾羽正先年功在國本及紀爲司寇執法如山羽正司空清修如鶴忠賢構黨斥逐必不容盛時有正色立朝之直臣大罪四國家最重無如枚卜忠賢一手握定力阻首推之孫慎行盛以去更爲他辭以錮其出豈真欲門生宰相乎大罪五爵人于朝莫重廷推去歲南太宰北少宰皆用陪推致一時名賢不安其位顛倒銓政掉弄機權大罪六聖政初新正資忠直乃滿朝薦文震孟熊德陽江秉謙徐大相毛士龍侯震陽等抗論稍忤立行貶黜屢經恩典竟阻賜環長安謂天子之怒易解忠賢之怒難調大罪七然猶曰外廷臣子也去歲南郊之日傳聞宮中有一貴人以德性貞靜荷上寵注忠賢恐其露己驕橫託言急病置之死地是陛下不能保其貴倖矣大罪八猶曰無名封也裕妃以有娠傳封中外方爲慶幸忠賢惡其不附己矯旨勒令自盡是陛下不能保其妃嬪矣大罪九猶曰在妃嬪也中宮有慶已經成男乃忽焉告隕傳聞忠賢與奉聖夫人實有謀焉是陛下且不能保其子矣大罪十先帝青宮四十年所與護持孤危者惟王安耳卽陛下倉卒受命擁衛防維安亦不可謂無勞忠賢以私忿矯旨殺于南苑是不但仇王安而實敢仇先帝之老奴況其他內臣無罪而擅殺擅逐者又不知幾千百也大罪十一今日獎賞明日祠額要挾無窮王言屢褻近又于河間毀人居室起建牌坊錢鳳雕龍千雲插漢又不止瑩地僭擬陵寢而已大罪十二今日庭中書明日庭錦衣金吾之堂口皆孔臭語敕之館目不識丁如魏良弼魏良材魏良卿魏希孔及其甥傅應星等濫襲恩蔭褻越朝常大罪十三用立枷之法威嚇家人駢首畢命意欲誣陷國戚動搖中宮若非閣臣力持言官糾正椒房之戚又興大獄矣大罪十四良鄉生員章士魁以爭煤窰傷忠賢墳脈託言開礦而

致之死趙高鹿可爲馬忠賢煤可爲礦大罪十五王恩敬等牧地細事責在有司忠賢乃幽置檻阱恣意撓掠視士命如草菅大罪十六給事中周士樸執糾織監忠賢竟停其陞遷使吏部不得專銓除言官不敢施封駁大罪十七北鎮撫劉僑不肯殺人媚人忠賢以不善鍛鍊遂致削籍示大明之律令可以不守而忠賢之律令不敢不遵大罪十八給事中魏大中遵旨莅任忽傳旨詰責及大中回奏臺省交章又再褻王言毋論玩言官于股掌而煌煌天語朝夕紛更大罪十九東廠之設原以緝奸自忠賢受事日以快私讎行傾陷爲事投匭設阱日夜未已片語稍違駕帖立下勢必興同文館獄而後已大罪二十邊警未息內外戒嚴東廠緝訪何事前奸細韓宗功潛入長安偵探虛實實主忠賢司房之邸事露始去假令天不悔禍宗功事成未知九廟生靈安頓何地大罪二十一祖制不蓄內兵原有深意忠賢與奸相沈漼創立內操數匿奸宄安知無大盜刺客潛入其中一旦變生肘腋可爲深慮大罪二十二忠賢進香涿州警蹕傳呼清塵墊道人以爲大駕出幸及其歸也改駕駟馬羽幢青蓋夾護環遮則儼然乘輿矣其間人幕劾謀叩馬獻策者實繁有徒忠賢自視爲何如人哉大罪二十三夫寵極則驕恩多成怨聞今春忠賢走馬御前陛下射殺其馬貸以不死忠賢不自伏罪進有傲色退有怨言朝夕隄防介介不釋從來亂臣賊子只爭一念放肆遂至不可收拾奈何養虎兇于肘腋間乎此又寸機忠賢不足蔽其辜者大罪二十四凡此逆跡昭然在人耳目乃內廷畏禍而不敢言外廷結舌而莫敢奏間或奸狀敗露又有奉聖夫人爲之彌縫更相表裏送爲呼應伏望陛下大奮雷霆集文武勲戚敕刑部嚴訊以正國法并出奉聖夫人于外用消隱憂臣死且不朽疏上忠賢懼甚求解于韓爌爌不應遂趨上前泣訴且辭東廠而客氏從旁爲剖析王體乾等贊之上憤然不辨也遂溫諭留忠賢而于次日下漣疏嚴旨切責先是漣疏就欲早朝面奏值次日免朝恐再宿洩機遂于會極門上之忠賢乃得爲計漣愈憤擬對仗復劾之忠賢詞知遏上不御朝者三日及上出羣閣數百人衷甲來陛立敕左班官不得奏事漣乃止 楊漣既劾忠賢一時抗疏繼之者御史黃尊素言天下有政歸近倖威福旁移而世界清明者乎天下有中外洵洵無不欲食其肉而可置之左右者乎陛下必以爲曲謹可用而孤立自虞試問陛下登極以來公卿臺諫累累罷歸致在

位者無固志不于此稱孤立乃以去一近侍爲孤立邪今忠賢不法狀廷臣已發露無餘陛下若不早斷臣知忠賢必不肯收其已縱之轡而淨滌其腸胃忠賢之私人必不肯回其已往之棹而默消其冰山始猶與士大夫爲讐繼且以至尊爲注柴柵既固毒螫誰何不惟臺諫折之不足卽干戈取之亦難矣御史江陰李應昇方以地震疏請保護聖躬亟停內操不省應昇知忠賢必禍國草疏列其十六罪將上爲兄所知毀其稿快快而止至是繼漣上疏中言小人根株既深毒手乃肆今陛下明知忠賢罪曲賜包容彼緩則爲自全之計急則作走險之謀蕭牆之間能無隱禍忠賢一日不去則陛下一日不安臣爲陛下計莫如聽忠賢引退以全其命爲忠賢計莫若早自引決以乞帷蓋之恩不然惡稔貫盈他日欲保首領不可得矣又言君側不清安用彼相一時寵利有盡千秋青史難欺不欲爲劉健謝遷者恐并不能爲李東陽不將與焦芳同傳耶蓋指魏廣微也吏科都給事中魏大中亦率同官上言從古君側之奸非遂能禍人國也有忠臣不惜其身以告之君而其君不悟乃至于不可救今忠賢之惡極矣人怨于下天怒于上故楊漣不惜粉身碎首以冀陛下之一悟而所列忠賢罪狀陛下悉引爲親裁代之任咎恐忠賢所以得溫旨卽出忠賢手而漣之疏陛下且未及省覽也陛下貴爲天子致三宮列嬪盡寄性命于忠賢客氏能勿寒心若謂左右屏而聖躬將孤立夫陛下一身大小臣工所擁衛何藉于忠賢若忠賢客氏一日不去恐禁廷左右悉忠賢客氏之人非陛下有陛下真孤立于上耳河南道御史袁化中亦率同官上疏曰忠賢障日蔽月逞威作福視大臣如奴隸斥言官若孤雛殺內廷外廷如草菅朝野共危神人共憤陛下未之知今漣已侃侃入告矣陛下念其潛邸微勞或貸忠賢以不死而忠賢實自懼一死懼死之念深將挺而走險騎虎難下臣恐其橫逞之毒不在縉紳而卽在陛下陛下試思深宮之內可使多疑多懼之人日侍左右而不爲防制哉于是南北臺省卿貳攻忠賢者疏至數十上而國子祭酒蔡毅中率合監師生千餘人請究忠賢二十四大罪略曰學校者天下公議所從出也臣正與諸生講爲君難一書忽接楊漣劾忠賢疏合監師生千有餘人無不鼓掌稱慶乃皇上不下其奏于九卿而自爲忠賢任過臣惟三代以後漢隋唐宋諸君其受權璫之害與處權璫之法載在通鑑我朝列聖受權璫之害與處權璫之法載在實

錄臣皆不必多言但取至近至親如武宗之處劉瑾神宗之處馮保二事願皇上遵之瑾在武宗左右言聽計從一聞諸臣劾奏夜半自起禽而殺之神宗臨御方十齡保左右扶持盡心竭力既而少作威福臺省劾奏未聞舉朝公疏神宗遂不動聲色而戊保于南京今忠賢無保之功而極瑾之惡二十四罪無一不當悉先舉朝羣臣欲干朝罷跪以候旨忠賢遂要皇上入宮不禮羣臣數日以來但有及忠賢者留中不發如此蒙蔽其中甯可測哉乞將漣疏發九卿科道從公究問卽不加劉瑾之誅而以處馮保之注懲之則恩威並著與神祖媲美矣疏入忠賢戟手大詬然是時眾正盈朝不敢遽肆皆傳旨切責之方漣劾忠賢疏上諭德江陰穆昌期大學士葉向高門下士也方過謁向高向高頗以漣疏爲率易又慮上左右無人昌期愕然曰誰爲此言以誤公可斬也向高色變昌期徐起去語聞于漣漣怒向高亦內慙會有言漣疏乃昌期代草者忠賢遂深怒不可解自是而大獄頻興矣發異明史忠賢傳言楊漣劾忠賢繼之者七十餘人紀事本末言先後申奏者或專或合不下百餘疏而上疏姓名見于傳中者則魏大中陳良訓許譽卿朱國弼陳道亨岳元聲等六人蓋散見各傳者不具載也三編目中增入御史劉業楊玉珂京卿胡世賞蔡毅中四人而遺去陳良訓惟從信錄及紀事本末最詳錄言科道則魏大中陳良訓袁化中周宗建李應昇黃尊素方大任劉芳劉廷宣許譽卿房可壯喻思恂胡永順胡良機朱大典陳奇瑜羅學程熊奮渭劉之待段國璋霍守典甄淑孫紹沈周汝弼吳宏業劉其忠陳熙昌劉懋王政新李光春潘士奇劉朴楊玉珂劉先春南科道徐憲卿趙應期等兵部尚書趙彥詹事翁正春太常朝世賞大僕朱欽相撫甯侯朱國弼南公疏兵部尚書陳道亨等所列凡四十餘人以校紀事本末則又有給事劉茂傳楊周之綱杜三英楊燾袁觀其仁李精白陳繼諸官維新劉環洪如鍾梁元門洞開劉光緒宋裕心助教張翰南徐伯微姚士傳孫世祿董天胤學正王承興蔣紹民學錄蕭雲翔杜士基典簿萬民熬典籍陳烈等今竝識之 丙申大雨雹 是月皇子慈煇薨諡曰悼懷太子 杖工部郎中萬燦于廷

祭之初燦在工部司鼓鑄會慶陵大工費不貲知內府廢銅山積移牒內官監請發以助鑄忠賢怒不發再請復矯旨詰責比進郎中見楊漣等疏上率被嚴旨乃抗章極論略言人主有政權有利權不可委臣下況刑餘寺人哉忠賢性狡而貪膽粗而大口銜天憲手握王爵所好生羽毛所惡成瘡瘡瘡子弟則一世再世賚廩養則千金萬金毒痛士庶咸加縉紳一切生殺予奪之權盡爲忠賢所竊且忠賢固供事先帝者也陛下寵忠賢亦以此也乃于先帝陵工略不厝念間過香山碧雲寺見忠賢自營墳墓規制宏敞擬于陵寢前列生祠又建佛宇璇題耀日珠網懸星費金錢幾百萬爲己墳墓如此爲先帝陵寢則如彼可勝誅哉忠賢竊陛下權內外

止知有忠賢不知有陛下豈可一日尙留左右疏入忠賢大怒當是時忠賢方惡廷臣文章劾已無所發憤思
借燦立威乃矯旨廷杖一百令羣閣先至燦即摔而毆之比至闕下氣息纔屬杖已絕而復甦羣閣更肆蹴踏
越四日卽卒御史黃尊素上言律例非叛逆十惡無死法今以批肝瀝膽之忠臣竟殞于磨牙礪齒之凶豎

千載而下史筆書之豈不上累聖德乞復其故官破格賜卹不報政異明史本紀杖萬燦在是月丙申燦本
編及諸書皆系之六月輯覽及重修三編始揭本傳改入七月按燦受杖後復赴林汝翥汝翥懼逃之遭化
諸奄以其爲輔臣葉向高之甥聞其謀大譟向高以時事不可爲乞歸二十餘疏乃許之改向高致仕在七
月辛酉爲七月初九日而中間遠林汝翥及向高二十餘疏之疏皆在辛酉前似其時燦已死本紀系之
六月者近之但非丙申耳據兩朝從信錄載擊問萬燦旨中有皇子薨逝語皇子之薨在戊戌不應杖燦反
在薨下不繫日餘詳攷證中復逮巡城御史林汝翥先是汝翥以事答內侍曹進傳國興忠賢復矯旨

杖之汝翥懼逃之遵化自歸于巡撫鄧漢溪以聞卒受杖政異汝翥之逮明史本紀同書之內申下史稿書
皆六月間事也今並
系之六月杖萬燦下秋七月辛酉大學士葉向高罷楊漣劾忠賢疏上向高謂事且決裂廷臣相繼抗章

至數十上或勸向高下其事可決勝也向高念忠賢未易除閣臣從中挽回猶冀無大禍乃具奏稱忠賢勤
勞朝廷寵待盛滿難居宜解事權聽歸私第保全終始忠賢不悅矯上旨敘己功累百餘言向高駭曰此非

閣人所能必有代爲草者探之則徐大化也忠賢雖憤猶以外廷勢盛未敢加害有導以興大獄者遂殺萬
燦復逮林汝翥汝翥向高甥也逃之遵化羣奄疑匿向高第聚而圍之大肆詬辱向高上言國家二百年來

無中使圍閣臣第者臣今不去何面目見士大夫上優旨慰留盡收回中使汝翥尋出受杖幸不死向高以
時事不可爲乞歸已二十餘疏至是請益力命行人護歸向高爲人光明忠厚有德量好扶植善類自再入

相輔冲主閣人逞場竈計時事日非向高亦列方爲圓然數有匡救老成持重爲清流所倚賴惟庇門生王
化貞不能決議致壞封疆事爲時所咎焉 癸亥河決徐州魁山堤東北灌州城城中水深一丈三尺一自

南門至雲龍山西北大安橋入石狗湖一由舊支河南流至鄧二莊歷租溝東南以達小河出白洋仍與黃
會徐民苦墊溺議集貲遷城給事中陸文獻上徐城不可遷六議而勢不得已遂遷州治于雲龍山河事置

不講矣 振山東饑 是日六科廊火給事中劉懋請罷內操不省御史李應昇言廷杖不可再士氣不可

折今部郎之杖血方腥祝融之烈焰旋作天譴甚明伏祈留意亦不報 是月封光宗選侍李氏爲康妃初上暴選侍罪狀命停其封號至是魏忠賢爲之請從之或謂前諭出自王安後旨出自忠賢前後抵牾上卒不辨也 八月己酉陝西地震 是月左都御史孫瑋卒以刑部右侍郎高攀龍代之 九月工部尙書陳長祚罷召左副都御史馮從吾代之從吾告歸是春起爲南京右都御史累辭未上至是方赴召聞趙南星高攀龍先後去國遂連疏力辭予致仕 冬十月丁酉吏部尙書趙南星罷己亥左都御史高攀龍罷初忠賢日肆而東林勢尙盛嚴正盈朝南星長吏部益搜舉遺佚布之庶位攀龍及楊漣左光斗秉憲李騰芳陳于廷佐銓魏大中袁化中掌科道鄭三俊李邦華孫居相饒伸王之宗輩悉置卿貳而四司之屬鄒維璉夏嘉遇張光前程國祚劉廷諫亦皆民譽中外忻忻望治而小人側目滋欲去南星會維璉自兵部職方改吏部旋進考功給事中傅槐以己不預聞首假汪文言發難劾南星素舊制植私人維璉引去南星奏留之小人益恨甚攀龍既居憲職主考察時御史崔呈秀按淮揚賊私狼藉霍卽知縣鄭延祚貪懼呈秀劾之兩行千金賄遂薦焉比呈秀還朝攀龍因考察盡發其貪汙狀南星議戍之詔革職候勘呈秀窘夜走魏忠賢所叩頭乞哀言攀龍南星皆東林挾私排陷復叩頭涕泣願爲養子當是時忠賢憤廷臣交攻方思得外廷助涿州人馮銓者少年官侍從家居與熊廷弼有隙遣書魏良卿勸興大獄忠賢冀假事端傾陷諸害己者得呈秀相見恨晚呈秀又言不去南星攀龍等吾輩未知死所忠賢大以爲然遂與定謀會山西缺巡撫南星以太常卿謝應祥有清望前列以請既得旨而御史陳九疇受魏廣徵指言應祥嘗知嘉善魏大出其門大中以師故謀于選郎夏嘉遇而用之徇私當斥大中嘉遇疏辨南星攀龍極言應祥以人望推舉大中嘉遇無私九疇妄言不可聽忠賢大怒矯旨黜大中嘉遇并黜九疇而責南星等朋謀結黨南星遽引罪去忠賢復矯旨切責放之歸越日攀龍亦引去 南星等既罷吏科給事中許譽卿沈惟炳皆以論救降調而鄒維璉先以求罷不得復繼楊漣劾忠賢已崔呈秀坐賊維璉復論戍邊諸逆黨交憾及南星去維璉請與俱去遂放歸 十一月辛亥削吏部侍郎陳于廷副都御史楊漣僉都御史左光斗籍先是萬燥杖死御史黃尊素語漣曰可以去矣漣曰苟濟國死生以

之卒不去至是廷推吏部尚書漣注籍不預于廷等推喬允升馮從吾汪應蛟上之中旨謂此次會推仍是趙

南星私人顯是于廷漣光斗有意徇私更責漣怙惡不悛注籍躲閃前者勘陳九疇事俱屬漣等主張朋比不

公遂並斥爲民且追奪漣光斗誥命發異明史本紀于是年十月遺却罷趙南星高攀龍而載罷于廷等三人

三編皆分系之十月十一月然明史楊立傳皆作十月光斗傳中言忠賢逐南星攀龍大中次將及漣光斗及

斗憤甚草奏劾忠賢及魏廣微三十二斬罪擬十一月二日上之先遣妻子南還忠賢調知先二日假會推事

與漣俱削籍云云据此則三人之黜在十月之末十一月之初而史稿書之十一月辛亥正

是月之朔明史本紀指先二日書之故入之十月不書日耳今仍據史稿及三編分書之

已巳大學士韓

爌罷魏忠賢以楊漣劾已爌不爲援深銜之及向高罷爌爲首輔每事持正爲善類所倚然向高有智術籠絡

羣奄爌惟廉直自持勢不能敵而同官魏廣微又深結忠賢徧引邪黨忠賢假會推事逐趙南星高攀龍爌急

率朱國楨等上言陛下一日去兩大臣臣民失望且中旨徑宣不復到閣而攀龍一疏經臣等擬上者又復更

易大駭聽聞有傷國體忠賢益不悅傳旨切責未幾又逐楊漣左光斗陳于廷朝政大變忠賢勢益張故事閣

老秉筆止首輔一人廣微欲分其柄囑忠賢傳旨諭爌同寅協恭而責次輔無伴食爌惶懼卽抗疏乞休畧言

臣備位綸扉咎愆日積如詰戎宜先營衛而觀兵禁掖無能紓宵旰憂忠直尙稽召還而撈掠朝堂無能回震

霆怒後先諸臣之罷斥論旨中出之紛更不能先時深念有調劑之方又不能臨事執持爲封還之慝皆臣罪

之大者皇上釋此不問責臣以協恭責同官以協贊同官奉詔以從事臣欲奉詔無由矣乞急褫臣官爲佐理

溺職之戒中旨責爌歸非于上悻悻求去聽還籍諸輔臣請如故事加以體貌不報是月大學士孫承宗請

入覲不果初忠賢盜柄以承宗功高欲親附之使中官劉應坤等申意承宗不與交一言忠賢由是大憾會忠

賢逐楊漣趙南星高攀龍等承宗方西巡薊昌念抗疏上未必親覽往往在講筵每奏對輒有入乃請以十四日

賀聖壽入朝面奏機宜欲因是論其罪魏廣微聞之奔告忠賢承宗擁兵數萬將清君側兵部侍郎李邦華爲

內主公立齏粉矣忠賢悸甚繞御牀哭上亦爲心動令內閣擬旨次輔顧秉謙奮筆曰無旨離信地非祖宗法

違者不宥夜啟禁門召兵部尚書入令三道飛騎止之又矯旨諭九門守關承宗若至齊化門反接以入承宗

抵通州聞命而返忠賢遣人偵之一襖被置輿中後車鹿善繼而已意少解而其黨李蕃崔呈秀徐大化連疏

詆之比之王敦李懷光承宗乃杜門求罷不允
（攷異明史熹宗本紀帝以萬曆三十三年十一月生無日證之兩朝從信錄劉復錄書皆云承宗將以閩邊薊遼入京師十四日賀萬壽云云神宗本紀書萬曆三十三年十二月乙卯以皇長孫生詔告天下此據願詔之月日耳詔中亦云十一月十四日見明書綸渙志今系之是月下附識之） 起崔景榮爲吏部尚

書初景榮爲兵部尚書數爲言官所論御史方震孺請罷景榮以孫承宗代之遂引疾歸至是特起長吏部時

忠賢盜國柄羣小相倚附逐尚書趙南星欲起景榮爲助比至忠賢飾大宅以待景榮不赴錦衣帥田爾耕來

謁又辭不見明年上幸太學忠賢欲先一日聽祭酒講議裁諸聽講大臣賜坐賜茶禮又議減考選員額汰京

堂添注官景榮皆力持不行浸忤忠賢卒亦不安其位云 魏忠賢之興大獄也顧秉謙魏廣微實首導之楊

漣劾忠賢大罪有門生宰相語秉謙益恨甚會孟冬饗席且頒朔廣微偃蹇後至給事中魏大中御史李應昇

連劾之廣微憤遂與秉謙謀盡逐諸正人撰縉紳便覽一冊若葉向高韓爌之等百餘人目爲邪黨而以黃克

纘王永光徐大化等六十餘人爲正人由奄人王朝用進之俾用是爲黜陟及是向高爌先後罷秉謙廣微柄

政會陳于廷罷以徐兆魁代爲吏部侍郎楊漣罷以喬應甲代爲副都御史左光斗罷以王紹徽代爲僉都御

史兆魁等三人皆趙南星素所擯而紹徽以排擊東林爲其黨所推倣民間水滸傳奇編東林一百八人爲點

將錄獻之以此益爲忠賢所善自是奸黨日盛後進者求速化悉由黨人進用天下大權悉歸忠賢矣 貴州

官軍敗賊于普定先是王三善敗沒以撫治鄖陽蔡復一進兵部侍郎代巡撫貴州尋代楊述中總督貴州雲

南湖廣軍務仍兼貴州巡撫時安邦彥結四十營綿亘二十里分犯普定復一檄總兵官魯欽黃鉞等分道禦

之欽率部將張雲鵬劉志敏鄧玘等大敗賊汪家冲鉞及參政陸夢龍副使楊世賞亦大敗賊蔣義寨合追至

河斬首千五百餘級搜山復斬六百餘級尹伸守普定亦敗賊兵與大軍會共翦水外逆苗邦彥勢窘渡河西

奔欽鉞督諸將窮追夢龍等分馳三岔河岸爲後勁前鋒雲鵬玘等深入織金先後斬首千餘級 改戶部尚

書李宗延爲左都御史兼吏部尚書銜以李起元爲戶部尚書代宗延 十二月辛巳復逮汪文言下鎮撫司

獄初文言下獄事旋解忠賢以劉僑不任事削其籍而用許顯純代爲北鎮撫司欲再伺釁而動至是御史梁

夢環知忠賢恨未已復劾文言詔立逮之下北鎮撫司獄卽命顯純鞠治而大理丞徐大化亦希忠賢指劾楊

鍾左光斗黨同伐異招權納賄于是東林之禍遂作 丙申大學士朱國禎罷韓爌既罷國禎爲首輔魏廣微與忠賢表裏爲奸視國禎蔑如至是逆黨李蕃連劾之遂引疾 忠賢謂其黨曰此老亦邪人但不作惡可令善去乃加少傅賜銀幣遣行人送歸所給廩隸皆如制 癸卯南京地震聲如雷 是月兩當民變殺知縣牛得用致異諸書不載今據明史本紀爲延綬亂張本 起前戎政尙書黃克纘爲工部尙書克纘初附內璫劉朝遂結忠賢與爭三案者異議攻擊紛起其後羣小排東林創要典率推克纘爲首功時東林方盛克纘移疾歸至是忠賢盡逐東林乃有是召

五年春正月癸亥

大清兵取旅順游擊張盤都司朱國昌等死之

致異明史本紀及三編俱系之正月史稿作二月戊申疑據奏報月日也三編載朱國昌等死之今據史稿增入游擊張盤

戊寅以慶陵工成予魏忠賢世蔭都督同知

是月總兵魯欽劉超等自織金旋師渡河賊自後襲擊諸營

盡潰死者數千人

致異魯欽等之敗明史本紀及欽本傳皆作正月蔡復一傳同史稿書之三月癸亥據奏報月日也朱變元總督川貴五省軍務在三月蓋因欽等之敗命之今據明史月日 以

李養正爲刑部尙書代喬允升也允升以廷推吏部尙書爲魏忠賢所惡陳子廷等既黜允升遂以去冬移疾

歸及是忠賢將起汪文言之獄因擢養正代之 復崔呈秀官初呈秀罷職聽勘因投入忠賢幕忠賢倚爲腹

心日與計畫及高攀龍罷忠賢傳中旨謂呈秀事屬誣竊毋庸候勘仍令回道管事呈秀復進同志諸錄皆東

林黨人又進天鑒錄皆不附東林者由是羣小無不登用善類爲之一空是時中旨頻出朝端以爲憂給事中

李魯生獨上言執中者帝用中者王旨不中出而誰出舉朝大駭 二月檢討丁乾學方逢年顧錫疇吏科給

事中郝士膏禮科章允儒兵科董承業戶科熊奮渭主事李繼貞俱降調尋斥爲民初甲子鄉試山東江西湖

廣福建考官爲乾學等八人主之以發策譏切忠賢奉旨詰責乾學主試江西試策中引汪直劉瑾忠賢尤惡

之方降調赴京師有指揮僉事高守謙與乾學有舊憾遂激忠賢怒使二十餘人擁入乾學寓矯稱有旨逮問

守謙導厥卒諸人箠楚交下乾學不勝挫辱憤鬱而卒未幾七人皆除名

致異丁乾學等八人降調吳氏兩朝制復錄及從信錄俱系之二月其削

籍及矯旨逮乾學又在後也今類書之

三月甲寅上釋奠于先師孔子

丙寅賜余煌等進士及第出身有差

甲戌以朱變

元總督雲貴川湖廣西軍務時貴州之敗廷臣以王三善等失事由川兵不能協助議合兩督府併歸一人兼督五路之師乃有是命于是蔡復一解任聽勸而以尹同皋撫四川王城撫貴州協助討賊 丁丑譏汪文言獄逮前副都御史楊漣僉都御史左光斗給事中魏大中御史袁化中太僕少卿周朝瑞陝西副使顧大章先是許顯純爲北鎮撫司榜掠文言詞連趙南星李三才及漣光斗等二十餘人顯純欲坐漣等以移官罪大理丞徐大化獻策于忠賢曰但坐移官則無賊可指若坐納揚鎬熊廷弼賄則封疆事重殺之更有名忠賢然之乃令顯純復鞠文言五毒備至使引漣納廷弼賄文言仰天大呼曰世豈有貪賊之楊大洪哉大洪者漣別字也復及光斗等文言蹶然起曰以此磯清廉之士有死不承顯純乃手作文言供狀文言復張目曰任汝巧爲之異時吾當與面質顯純遂即日斃之而具獄辭以上于是漣光斗坐賊二萬大中三千化中六千朝瑞一萬大章四萬其他所牽引則趙南星及鄧渙毛士龍王之案李若星鄒維璉惠世揚繆昌期施天德黃龍光徐良彥錢士晉熊明遇黃正賓盧化鰲等又十五人中旨逮漣光斗等六人下詔獄其南星等十五人除削籍外仍行撫按提問追贓于是獄乃具

汲異選楊左事明史本紀系之是年三月丁丑三朝要典系之丁亥蓋一摺獄從信二錄所載同惟中旨但列六人姓名而十五人則但云趙南星等諸書所記有李三才夏之令詔之剝復錄不在南星等十五人之數蓋三才時已卒且亦與廷弼賄事無涉之令之削籍則以劾毛文龍也證之明史魏大中傳二十三才人連六人數之除三才之令實二十一才人與剝復錄姓名合且三才之削籍與顧憲成同是在是年七月見于本紀則此時行勘又三才已死其不在十五人之內明矣今摺剝復錄書之 夏四月癸未太白晝見 乙酉詔重修光宗實錄先是御史楊維垣首翻梃擊一案疏言張差風癲之真卽碎王之案之骨不足贖其罪又謂李可灼特不幸之之案而之案特偶幸之可灼時之案方授刑部侍郎不數月遂削籍至是給事中霍維華竝論三案略曰梃擊紅丸移宮三案迄無定論臣以爲選侍之請封也請封妃也妃尙未封而況于后請之不得況于自后不妃不后而況于垂簾前此宮不難移也王安等故難之也難之者所以重選侍之罪而張翊戴之功也神祖冊立東宮稍遲而篤愛先帝始終不渝果有廢立之謀則九閣邃密乃藉一風癲之張差乎神祖升遐先帝哀毀遽發風疾而悠悠之口致疑宮掖豈臣子所忍言孫慎行借題紅丸誣先帝爲受鳩加從哲以弒逆鄒元標鍾羽正從而和之兩人立名非真晚節不振委身門戶敗壞平生伏乞嚴

論纂修諸臣以存信史中旨允之遂有是命初忠賢積恨東林諸人數論其罪實于三案及京察封疆無預也羣小欲藉忠賢力爲報復地驅除異己遂藉此數事一網羅之清流之禍此爲烈矣己亥削大學士劉一燝

籍以霍維華論三案首誅之也是月以南京侍郎周應秋爲刑部添註尚書忠賢門下有十狗應秋其首也

時忠賢廣樹私人悉餌以顯爵故兩京大僚多添註又是時方治楊左獄故有是命五月戊申盛暑輟講

癸亥給事中楊所修請集梃擊紅丸移宮三案章疏仿明倫大典例編輯爲書頒示天下霍維華亦以爲言從

之乙丑祀地于北郊庚午行宗室限祿法是月兵部尚書趙彥罷彥以繼楊漣劾忠賢爲所惡彥子官

錦衣頗招搖都市御史交劾之忠賢挾前憾令致仕去以兵部侍郎高第代之第亦忠賢黨也六月丙戌內

閣朱延禧罷時中旨令閣票擬稱魏忠賢爲元臣延禧執不可御史田新阿忠賢意劾之遂罷甲辰下楊漣

左光斗袁化中魏大中周朝瑞顧大章於鎮撫司獄魏忠賢矯旨令嚴刑追比五日一回奏俟追贓完日送刑

部擬罪政異據史稿袁化中顧大章以五月下獄楊左魏以六月下獄無日明史本紀則類書于三月被逮下獄次日送北司又次日之暮嚴刑拷訊推恩六月丁丑朔甲辰則二是月逮御史方震孺下獄震孺坐鄒元

標黨罷歸及忠賢將興大獄郭興治論震孺河西賊私坐贓六千有奇繫獄論絞政異震孺事見明史本傳下獄在是年無月分

今據孩未集自記年譜書之蓋以正月逮六秋七月戊午太白晝見壬戌毀首善書院御史張訥上疏力

詆鄒元標孫慎行馮從吾余懋衡等請毀其講學書院從之庚午副都御史楊漣僉都御史左光斗給事中

魏大中卒于獄初漣等入詔獄許顯純非法拷掠血肉狼藉賊不肯承光斗私計曰彼殺我有二法因我不承

而酷刑以斃之一也夜半令獄卒潛殺之二也承則當下法司或者有見天之日諸人然其言俱自誣服及忠

賢矯旨五日一比不下法司諸人始悔失計至是追比畢復以漣光斗大中三人另發大監其夕同爲獄卒所

斃漣之死土囊壓身鐵釘貫耳最爲慘毒光斗大中亦皆體無完膚越數日始報三人屍俱已潰敗不可識矣

方漣之被逮也士民數萬擁道攀號所歷邸市悉焚香建醮祈祐生還既死產入官不及千金母妻止宿熊樓

二子至乞食以養徵賊令急鄉人競出貲助之至賣菜傭亦爲輸助光斗前與畿輔水利尋督學政士民德之

月通監卷七十九

容城孫奇逢者節俠士也與定興鹿正倡義釀金諸生爭應之得金數千謀代輪緩獄而光斗已前斃正即善繼父世所謂鹿太公者也光斗死而其賊未竟撫按嚴追兄光霽坐累死母以哭子死都御史周應秋猶以所司承追不力疏趣之由是家族盡破後忠賢定三朝要典移官一案以漣光斗爲罪魁議開棺戮屍有解之者乃免大中長子學淨以父被逮號慟欲隨行大中止之乃微服間行探刺起居既抵都邏卒四布變姓名匿旅舍晝伏夜出稱貸以完父賊未竟而大中斃學淨慟哭幾絕扶輓歸晨夕號泣水漿不入口遂死崇禎初贈恤大中有司以狀聞詔旌學淨爲孝子

致異楊左魏三公之死同日而報有先後明史本紀彙書于四月被逮下月丁未朔壬申爲二十六日甲戌爲二十八日而三公之死證之楊左二公集魏大中子記其父斃獄中也是十四日明史大中傳云獄卒受指與漣光斗同斃之是三公之死同日又證之碧血錄言七月二十四日在比較楊左魏各受全刑畢許顯純令將三人發大監有問之獄吏者吏嗟曰今晚各位大老爺當有壁柱者是夜三公果死于鎮頭又證之大中子所記楊左之死二十五日報其父之死以二十六日報碧血錄言三公之尸以二十九日驗後始報大中出通攻諸書楊左之死早大則一兩日報而二十九日之驗則三公俱同日故明史大中傳有遲數日始報大中屍至潰敗不可識云云然則史稿之書壬申書甲戌皆據報驗之日而明史光斗傳記其卒于七月二十六日亦報驗之日也至三公卒于二十四日之夕是時燕客在獄親見其死故野史悉據焉今從之

壬申大學士韓爌削籍爌爲霍維華所論至是逆黨李魯生復劾之除名尋又假他事坐贓二千斃其家人于獄爌鬻田宅貸親故以償乃棲止先墓上

癸酉太白經天 甲戌削故巡撫李三才光祿少卿顧憲成等籍時逆黨石三畏追論萬曆辛亥丁巳癸

亥三京案首劾三才憲成遂及王圖孫丕揚曹于汴胡忻王元翰王淑林湯北京王宗賢王象春趙南星張問

達王允成徐一樸共十五人死者追奪誥命存者悉除名

致異明史本紀三編但記三才憲成二人史稿並及王圖孫丕揚等十五人今姓名據剝復錄書之

是月吏部尙書崔景榮罷楊左之獄景榮移書勸魏廣徵申救廣徵具揭以進忠賢大怒廣徵乃以景榮書爲

徵曰景榮教我也是倪文煥等劾景榮陰護東林遂奉旨削奪改左都御史李宗延于吏部代之 八月壬

午詔毀天下書院東林關中江右徽州各書院俱行拆毀變價助工從逆黨張訥議也訥言各省私剏講堂皆

踵東林爲之因醜詆鄒元標馮從吾孫慎行余懋衡並及侍郎鄭三俊畢懋良等俱坐削奪是時倪文煥亦劾

原任兵部侍郎李邦華東林高足向與李三才結爲死黨同其從子李日宣狡計陰謀傾陷善類員外郎周順

昌竊附東林營入吏部厚結汪文言聯姻魏大中于是邦華順昌俱坐削奪而日宣時爲河京巡鹽御史至是

訥復効其以會講入陝廉費公私詔俟回道時由都察院考覈示懲從吾既歸王紹徽素銜之謀于忠賢以喬應甲巡撫陝西伺殺從吾應甲至陝据撫百万無所得乃藉講學毀其書院曳先聖像擲之城隅從吾受挫辱鬱鬱卒 戊子暴楊左及熊廷弼罪論內閣言官有陰懷觀望借題報仇或捏寫蜚書希圖翻案者朕按祖宗

紅牌之律以說謊欺君之罪治之皆忠賢矯旨也 禮部尚書周如磐侍郎丁紹軾黃立極俱陞尚書少詹事

馮銓陞禮部侍郎並兼東閣大學士預機務時閣臣缺詔推老成幹濟者如磐以年老推用立極與忠賢同鄉故援之紹軾銓素憾熊廷弼而銓家居時曾遣書魏良卿勸與大獄至是並推用銓資淺年未及四十逆黨李曾生上言成卽爲老而非必老乎年幹乃稱濟而卽有濟于國以是忠賢益信之 乙未御史袁化中卒于獄

化中前佐高攀龍發崔呈秀賊私又繼楊漣疏劾忠賢至是遂竄入汪文言獄詞中坐納楊鎬熊廷弼賄酷刑拷掠斃之獄中 己亥魏廣微罷初廣微以崔景榮移書救楊左頗心動疏言漣等在今日誠爲有罪之人在

前日實爲卿寺之佐縱使賊私果真亦當轉付法司據律定罪豈可逐日嚴刑令鎮撫追賊身非木石重刑之下就死直須與耳以理刑之職使之追賊官守安在勿論傷好生之仁抑且違祖宗之制疏入大忤忠賢意廣

微懼急出景榮手書自明而忠賢怒已不可解乃具疏乞休居兩月廣微丐顧秉謙爲解忠賢意少釋然卒不自安復三疏乞休許之 壬寅殺前遼東經略熊廷弼初法司論廷弼獄與王化貞俱論死已而楊左諸人俱

坐賊斃獄會邏者獲市人蔣應陽謂與廷弼子出入禁獄陰謀回測忠賢遂欲速殺廷弼其黨門克新石三畏等復希指趣之而丁紹軾馮銓與廷弼有隙方入閣遂合謀銓一日侍講筵出市刊遼東傳謄于上曰此廷弼

所作希脫罪耳上大怒至是詔斬西市傳首九邊而化貞竟不誅御史梁夢環謂廷弼侵盜軍資十七萬御史劉徽謂廷弼家資百萬宜籍以佐軍中旨從之璽資不足償姻族家俱破江夏知縣王爾玉責廷弼子貂裘珍

玩不獲將撻之其長子兆珪自刎死瑤母稱冤爾玉去其兩婢衣撻之四十遠近莫不嗟憤時太倉人孫文彥顧同寅作詩詠廷弼爲邏者所得二人坐誹謗俱斬連及其同郡編修陳仁錫修撰文震孟並劾籍

本紀書于是月壬寅詔之剝復錄言二十五日而據錄中及計氏批署所載謂忠賢與內閣議處洪廷弼商就日中不決黃立極曰不過夜半片紙卽可了當矣遂以二十五日四鼓中責捧駕轎至廷弼沐浴整冠從容就

廖云云據此則廷弼以二十五之夜斃之獄中次日乃梟首而正法于西市本紀作王寅正梟首西市之日也今從之甲辰太僕少卿周朝瑞卒于獄朝瑞嘗請有熊

廷弼罪令守山海逆黨徐大化與之相許至是遂竄入汪文言獄中坐受廷弼賄斃之四月被逮下而史稿所

記袁化中周朝瑞之死在九月丁未蓋九月二日也據燕客所記袁化中死于八月十九日周朝瑞死于八月

二十八日先後報聞袁屍以八月二十二日驗周屍以九月初二日驗云云據此則袁周二公皆卒于八月史

稿所記蓋據報驗月是月以王紹徽爲左都御史代李宗延也九月壬子遼東總兵官馬世龍誤信降人

劉伯涵言遣前鋒副將魯之甲參將李承先襲取耀州敗于柳河皆死之甲寅以門工蔭魏忠賢弟姪一人

錦衣指揮僉事一人都督同知庚申前陝西副使顧大章卒于刑部獄中初楊維垣受徐大化指許大章鬻

大獄大章疏辨維垣復四疏力攻言大章受廷弼賄四萬故輔葉向高保持之奪俸歸是年起官應禮部郎中

會大化起大理丞遂與維垣爲忠賢鷹犬因假汪文言獄連及大章逮下鎮撫拷掠六人皆坐廷弼賄而大章

賊尤重蓋以實維垣初劾語也及楊左等五人既死羣小聚謀謂諸人潛斃于獄無以厭人心宜付法司定罪

明詔天下乃移大章刑部獄比對簿大章詞氣不撓刑部尙書李養正一如鎮撫原詞以移官事牽合封疆坐

六人大辟爰書既上忠賢大喜矯詔布告四方仍移大章鎮撫大章慨然曰吾安可再入此獄呼酒與其弟大

韶訣趣和藥飲之不死投繯而卒取異六君子之死大章最後以五人死後復移大章于刑部也據碧血錄大

毒不殊次夜投繯而逝據此則大章以是月十五日死于初六君子被逮祕獄中忽生黃芝光彩遠映及六人

畢入適成六辯或以爲祥大章嘆曰芝瑞物也而辱于此吾輩其有幸乎已而果驗是月賜魏忠賢印文曰

顧命元臣客氏印文曰欽賜奉聖夫人

三編發明曰明代如蹇夏三楊輩曾各授印章許其密封言事故其文多有用繩愆糾繆者爲一時優異之

典顧朝廷之上所言公公言之嘉謨入告雖以責望老臣而賜印祕陳苟非其人卽不免開告許之漸而況

可施之婦寺乎且是時逆閹竊竊大權中外爵位黜陟一任煬竈者之主持更有何人壅遏之而不使上聞

者其不欲上聞之事固未嘗不可矯旨從中出而又何待乎賜印不過習見前朝最異之數欲畢致于其身

而後快又安顧其名義之不可居也哉